



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quibus distributiones quotidianæ dari debeant, & ex quibus causis etiam absentes illas percipere possint.

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

S E C T I O II.

De distributionibus quotidianis.

Qua sint, & dicantur distributiones quotidianæ, & quomplexes, & ex quibus bonis deduci debeant?

Distributiones quotidianæ, propriè loquendo, sunt illa portiones reddituum Ecclesiasticorum, quæ distincta à præbendis, sive fructibus grossis beneficiis, quotidie distribui solent illis, qui Divinis officii intersunt, & ab aliquibus beneficia manualia, virtualia, aut presentia dicuntur, sive deinde in certis mensuris frumenti, vini pecunie solvantur, &c. Quamvis enim in quibusdā Ecclesiis nullæ præbendæ, seu fructus grossi habeantur, sed fructus omnes in communi reponantur, & ex illis, singulis diebus, certa portio Canonico cuilibet, qui Divinis interest, detur, propriè tamen loquendo de his portionibus intelligi non debent, quæ de distributionibus quotidianis statuuntur, cum in talibus Ecclesiis tales in singulos dies distributæ portiones, præbendæ potiùs rationem habeant (ne Canonici sit sine præbenda) quàm distributionum quotidianarum, à præbenda distinctarum: & hinc etiam, quia, quæ de distributionibus his quotidianis statuuntur, intelligi non debent de fructibus grossis, seu præbenda, potest alicui per privilegium competere, ut absens etiam fructibus (grossis) sui beneficii frui possit, non tamen distributiones quotidianæ huic etiam absenti debentur; & potest quis

privari fructibus sui beneficii, vel certis illis non gaudere, cui tamen concedatur distributio quotidianæ, &c. Deduci autem debent distributiones in quotidianæ juxta novum decretum Tridentini (quod tamen non ubique receptum videtur) si vel nullæ sint in Ecclesia aliqua Cathedrali, aut Collegiata, vel ita tenues, ut facile negligantur, ex quibuscunque proventibus, & obventibus tam Dignitatum, quàm Canonice Personatum, & officiorum, (ita ut certia pars talium fructuum separetur, & distributiones quotidianas convertatur) si residentiam talia beneficia regunt, & in illis Ecclesiis existant, de quarum distributionibus agit.

§. II.

Quibus distributiones quotidianæ dari debeant, & ex quibus causis non absentes illas percipere possint?

Quòd de jure communi illius tantum Ecclesiæ Canonici, ac Beneficarii hæc quotidianæ distributiones dari debeant, qui in loco talis Ecclesiæ tantùm morantur, sed divinis etiam in talibus horis intersunt officiis, proprie dantur distributiones, nisi à præbenda in divinis officiis necessitas illos corporalis, iusta, & rationabilis, vel infirmitas vel Ecclesiæ illius evidens utilitas excuset, ex c. Unico b. t. in 6. par. 1. & quoniam hujus capituli constitutio approbata etiam à Tridentino, & in ultimum revocari jubeatur sess. 24. c. 12. de refer. non obstantibus quibuscunque consuetudinibus, & statutis, quia tamen præcis multarum Ecclesiarum Cathedralium plures contraria, potest merito dubitari, unde

constitutio hæc in isto rigore recepta sit, ut consuetudines & statuta aliter circa distributiones has disponant, uti & circa portiones funerales, quæ in anniversariis defunctorum, septimo, & trigesimo, & ipso etiam depositionis die dantur, & distributionibus quotidianis à jure æquiparantur, valida non sint; & hinc tutâ conscientiâ etiam hæc distributiones retineri possunt, si ex consuetudine alicujus Ecclesiæ absentibus etiam dentur.

§. III.

Alia quedam quæstiones circa distributiones quotidianas proponuntur, & resolvuntur.

Præterq; hujus §. quæstiones à consuetudine magis in Ecclesia qualibet receptæ, quàm ex jure decidi debent, quæ proinde consuetudo attendi semper debet, & observari; independentè tamen ab hac

Quæritur primò, pro quibus horis assignari debeant hæc distributiones? R. nihil quidem specificè de hac quæstione decidere jura, conformius tamen illi videtur, si Glossam attendas, ut pro singulis horis, & Missa conventuali eæ assignentur, inter præsentès, æqualiter, quantum conditio personarum patitur, dividendæ. *Gloss. in Clement. 2. V. certis horis. de arate & qualitate Eccl. Gloss. in cit. c. uni. V. ordinationem h. t. in 6. Eccl.*

Quæritur secundò, utrum ad lucrandas has distributiones non sola præsentia Canonicorum v. g. in divinis illis officiis requiratur, sed ut ipsimet etiam in choro cantent, & psallant &c. R. requiri hoc quidem spectato jure communi, & Tridentino (saltem ut integras distributiones lucentur) quia dantur distributiones

non ratione solius præsentis, sed ob laborem, & officium psallendi, aut quod in choro exercent, aliud tamen videtur consuetudo in pluribus Ecclesiis induxisse.

Quæritur tertio, an duplices distributiones recipere possit, qui in eadem Ecclesia v. g. duo beneficia habet, quibus distributiones dantur, Archidiaconatum v. g. simul & Canonicatum. R. affirmativè, modò exercitium unius non repugnet cum altero, cum enim duplici munere fungatur talis, & intersit divinis officiis, propter quæ distributiones dantur, ut Archidiaconus v. g. & Canonicus, duplices distributiones recipere potest, prout colligitur etiam *ex c. cum olim 12. de sent. & re judi.*

Quæritur quartò, utrum aliis præsentibus accrescant illæ distributiones, quas alii ob absentiam amittunt. R. affirmativè *cum Gloss. in Clement. 2. V. pars dimidia. de arate & qualitate Eccl. & Glossa, in Clementi. 2. V. suspensus de vita & honest. Clerico.* si tamen de distributionibus communibus sermo sit: quæ enim distributiones ex specialibus quarundam dignitatum, aut officiorum fructibus detractæ fuerunt, fabricæ Ecclesiæ, vel alii pio loco applicandæ erunt, juxta Trident. *sess. 22. c. 3. de reformati.*

Quæritur quintò, utrum absentes distributiones has retinere possint; quas ob absentiam non lucrantur, si alii præsentès has eis remittant, & donent. R. negativè, non tantum ob *cit. c. unicum h. t. in 6.* sed ob Trident. maxime, quod *sess. 24. c. 12. de refor.* expressè statuit: Distributiones à talibus non recipiendas, quavis collu-